

多旌犀

旌讀近綢繆之繆
急氣言乃得之

北方幽晦不明天之所閉也寒冰之所積也蟄蟲之所伏

也其人翕形短頸

翕讀脅之脅

大肩下尻

竅通於陰骨幹屬焉

黑色主腎其人蠢愚禽獸而壽

蠢讀人謂蠢然無知之蠢也龍口言乃得

其地宜

菽

菽豆也

多犬馬

傳曰異之北土馬之所生言燕代出馬也

中央四達風氣之所通雨露之所會也其人大面短頤美

鬚惡肥竅通於口膚肉屬焉黃色主胃慧聖而好治其地

宜禾多牛羊及六畜木勝土土勝水水勝火火勝金金勝

木故禾春生秋死

禾者木春王而生木秋金王而死

菽夏生冬死

豆火也夏火王而生

冬水王而死

麥秋生夏死

麥金也金王而生火王而死

薺冬生中夏死

薺水也水王而生

生土王而死也

木壯水老火生金囚土死火壯木老土生水囚金死

土壯火老金生木囚水死金壯土老水生火囚木死水壯